

ՄԻԱՑՅԱԼ ԳԻՏԱԿԱՆ ՆՍՏԱՇՐՋԱՆՆԵՐԻ ՆՎԻՐՎԱԿԱՆ
Ս. Գ. ՇԱՀՈՒՄՅԱՆԻ ԾՆՆԴՅԱՆ 100-ԱՄՅԱԿԻՆ

Սյթ. նոյեմբերի 15-ին տեղի ունեցավ միասնական հիտակաՆ նստաշրջան՝ նվիրված կոմունիստական կուսակցության և սովետական պետության ականավոր գործիչ Ս. Գ. Շահումյանի ծննդյան 100-ամյակին:

Նստաշրջանը, որը կազմակերպել էին Հայաստանի, Վրաստանի և Ադրբեջանի կոմկուսների կենտրոնական կոմիտեներին առընթեր կուսակցության պատմության ինստիտուտները, ՀՍՍՀ գիտությունների ակադեմիան և Երևանի պետական համալսարանը, ներածական խոսքով բացեց ՀԿԿ Կենտկոմի քարտուղար Կ. Ն. Դալլալյանը: Նա մասնավորապես նշեց, որ Ս. Գ. Շահումյանի կյանքի ու գործունեության լուսաբանումը մեծ նշանակություն ունի մեր երիտասարդության դաստիարակության ասպարեզում: Պատմական գիտությունների դոկտոր Հ. Ռ. Սիմոնյանի զեկուցումը նվիրված էր Ս. Գ. Շահումյանի գաղափարական-տեսական ժառանգության վերլուծությանը: Ս. Գ. Շահումյանը, ընդգծեց զեկուցողը, մեր կուսակցության խոշորագույն տեսաբաններից էր, մեկն այն գործիչներից, որոնք մեծ էնինիսի հետ միասին դրեցին մեր կուսակցության տեսական հիմքերը, հարստացրին բոլշևիզմի տեսական գանձարանը, ԽՍՀՄ-ի հեղափոխության առջև կանգնած բազում հարցերի պատասխանը: Ս. Գ. Շահումյանն իր մատերիալիստական աշխարհայացքով, մինչև վերջ հետևողական, անբարեխիղճ ինտերնացիոնալիզմով փայլուն էջ գրեց բոլշևիզմի պատմության մեջ:

Բաքվի լեզնդար կոմունայի ղեկավար Ս. Գ. Շահումյանն իր ողջ պայծառ կյանքը նվիրաբերեց ժողովրդի երջանկության համար մղվող պայքարին: Հեղափոխության պայքարի իր գինակիցների համար նա կուսակցական համոզվածության և հեղափոխական կրթության մարմնացում էր, իր ելույթում ասաց պատմական գիտությունների թեկնածու Ա. Ա. Հովսեփյանը (Բաքու): Իր ամենօրյա ստեղծարար գործունեության ընթացքում Բաքվի կոմունան միշտ ղեկավարվում էր ՌԿ(Բ)Կ Կենտկոմի, Վ. Ի. Լենինի ցուցումներով, հենվում Սովետական

Իրաստանի փորձի, աշխատավոր լայն ղանգ-ձառների ակտիվ աջակցության վրա:

«Ս. Գ. Շահումյանը և Վրաստանի բոլշևիզմի կազմակերպությունները թեմային էջ նվիրված պատմական գիտությունների դոկտոր Վ. Ն. Մեռկվիլաձեի (Բքիլիսի) զեկուցումը: Նա ասաց, որ Ս. Գ. Շահումյանն անկեղծորեն ու ջերմորեն սիրում էր վրաց ժողովրդին, գիտեր նրա լեզուն, բարձր էր զնահատում նրա մշակույթը: Վրաստանի աշխատավորները նրան պատասխանում են նույնպիսի անկեղծ սիրով: Հիշելով թե նա որքան շատ բան է արել պրոլետարական շարժման զարգացման համար: Ս. Գ. Շահումյանը Բիֆլիսի ուսանողական ուսումնարանի սան էր, երբ հարեց հեղափոխական շարժմանը: Նրա անմիջական մասնակցությամբ Բիֆլիսում ստեղծվեց լենինյան իսկրայական ուղղության առաջին անկեղծ սոցիալ-դեմոկրատական կազմակերպությունը՝ «Հայ սոցիալ-դեմոկրատների միությունը», որն այնուհետև միավորվեց ՌՍԴԲԿ Բիֆլիսի կոմիտեի հետ: Իրական առաջին հեղափոխության տարիներին Ս. Գ. Շահումյանն ապրում և աշխատում էր Վրաստանում, անհղղղող պաշտպանում հեղափոխության լենինյան տակտիկան, պրոպագանդիստական մեծ աշխատանք կատարում:

ՀՍՍՀ ԳԱ ակադեմիկոս Գ. Ռ. Ղաբիրջանյանն իր ելույթը նվիրեց Ս. Գ. Շահումյանի հեղափոխական գործունեության միջազգային նշանակության բացահայտմանը: Նա փաստական նյութերի հիման վրա ցույց տվեց Ս. Գ. Շահումյանի ակտիվ մասնակցությունն արտասահմանյան բոլշևիզմի կազմակերպությունների գործունեությանը, նրա ծանոթությունը միջազգային բանվորական և կոմունիստական շարժման ականավոր գործիչների հետ:

Ականավոր հեղափոխականի՝ որպես ժողովուրդների բարեկամության ջերմ ջատագովի մասին խոսեց ՀՍՍՀ ԳԱ ակադեմիկոս Մ. Պ. Աղայանը: Նա ընդգծեց, որ Ս. Գ. Շահումյանը նոր էջ բացեց հայ հասարակական-քաղաքական մտքի զարգացման ասպարեզում, գրեց հայ իրականության մեջ լենինյան մեծ հաղափար-

ների տարածման հիմքը, ի սկզբանե ինտերնացիոնալիզմի և ժողովուրդների բարեկամության մասին մարքսիստական ուսմունքը եղել է Ս. Գ. Շահումյանի աշխարհայացքի, նրա տեսական և պրակտիկ դործունեության հիմքը։ Նրա ողջ դործունեությունը խարսխված էր այդ սկզբունքի վրա։ Ս. Գ. Շահումյանի գլխավորած Բաքվի կոմունան դարձավ ժողովուրդների բարեկամության փայլուն օրինակ, որտեղ տարրեր աղզների ներկայացուցիչները միասնական համախմբված ընտանիք էին կազմել։

Պատմական գիտությունների դոկտոր խ. ձ. Ուրսևեյանի ղեկուցումը նվիրված էր Ս. Գ. Շահումյանի գործունեության ամենապայծառ լրերից մեկին՝ Վ. Ի. Լենինի հետ նրա նամակագրության ու հանդիպումներին։ Վ. Ի. Լենինի հետ 1903 թ. Ժնևում ծանոթանալը բացառիկ ազդեցություն գործեց Ս. Գ. Շահումյանի հեղափոխական ողջ գործունեության վրա։ Այդ ժամանակից ի վեր Վ. Ի. Լենինի և նրա միջև մշտական նամակագրություն է հաստատվում։ Իր ողջ հեղափոխական պայքարում, իր բոլոր խոհերով ու համոզմունքներով Ս. Գ. Շահումյանը Վ. Ի. Լենինի հետ էր։

«Ստեփան Շահումյանը ազգային հարցի տեսարան» ղեկուցմամբ հանդես եկավ պատմական գիտությունների դոկտոր Մ. Վ. Արզումանյանը։ Լինելով խոշոր մտածող, տեսաբան և գիտնական, ասաց նա, Ս. Գ. Շահումյանը հանդես է եկել որպես հասարակագետ-սոցիոլոգ, փիլիսոփա, պատմաբան, տնտեսագետ, իրավաբան և արվեստագետ։ Նրա բազմաշնորհ տաղանդը ցայտունորեն է դրսևորվել հասարակական գիտության տարբեր ճյուղերում։ Ազգային հարցի մասին նրա աշխատություններն աչքի են ընկնում բազմակողմանի մոտեցմամբ, պատմական հետազոտմամբ, սոցիալ-տնտեսական ու քաղաքական խոր վերլուծությամբ։ Նա այդ հարցը քննել է ամբողջ հասարակական կյանքի համալիրում։

Պատմական գիտությունների դոկտոր Լ. Ա. Խուրշուդյանն իր ելույթում անդրադարձավ այն տակտիկային, որ Ս. Գ. Շահումյանը վարել է Անդրկովկասում սովետական իշխանության հաղթանակի համար մղված պայքարում։ Ելնելով երկրամասի սոցիալ-տնտեսական և ազգային առանձնահատկությունից, ասաց ղեկուցողը, Ս. Գ. Շահումյանը մշակում է պայքարի վերին աստիճանի նուրբ և ճկուն տակտիկա ու Անդրկովկասի աշխատավորներին առաջնորդում դեպի սովետական իշխանության հաղթանակը։

Ս. Գ. Շահումյանի դրական հարուստ ժառանգության մեջ նշանակալից տեղ են դրավում մարքս-լենինյան քաղաքատնտեսության հարցերը։ Նշելով այդ փաստը, տնտեսական գիտությունների դոկտոր Ն. Գ. Թովմասյանն ընդգծեց, որ Ս. Գ. Շահումյանի աշխատություններն ընդգրկում են մեծ թվով պորբեմներ ու հետևողականորեն պաշտպանում էր մեկ երկրում սոցիալիստական հեղափոխության հաղթանակի մասին լենինյան ուսմունքը, որ հենվում էր իմպերիալիզմի դարաշրջանում կապիտալիզմի տնտեսական ու քաղաքական անհամաշխարհային զարգացման ուսմունքի վրա։

Բանասիրական գիտությունների դոկտոր Ս. Ա. Մանուկյանի ղեկուցումը նվիրված էր «Ս. Գ. Շահումյանը և հայկական մարքսիստական գրաքննադատության սկզբնավորումը» թեմային։ Զեկուցողը նշեց, որ Ս. Գ. Շահումյանը եղել է լենինյան դպրոցի տեսաբան մարքսիստ, փայլուն հրապարակախոս, խոհուն լրագրող, մամուլի տաղանդավոր կազմակերպիչ։ Նա իրավամբ համարվում է մարքս-լենինյան գեղագիտական մտքի փայլուն գիտակ, հայ մարքսիստական գրական քննադատության հիմնադիր։ Ս. Գ. Շահումյանը անդրադարձել է հոգևոր մշակույթի հարցերին և մշտապես գտնվել հեղափոխական պայքարի հորձանում։